

## **Bagáiste Láimhe - Míreanna Toirmiscthe**

Meabhraímid do gach paisinéir go bhfuil a beartas féin ag gach aerlíne maidir leis an lamháltas bagáiste láimhe. Molaimid go mór go n-iarrtar faisnéis ina leith ón aerlíne go díreach roimh thaisteal.

Chun am a shábháil, molaimid duit gan ach na hearraí luachmhara agus na míreanna a theastaíonn uait le haghaidh na heitilte a chur i do bhagáiste láimhe. Cuirfear an bagáiste láimhe ar fad faoi scagadh x-gha nuair a bheifear ag dul tríd an limistéar slándála.

### **Míreanna Bagáiste Láimhe Toirmiscthe**

Ní ceadmhach duit míreanna áirithe a iompar ar bord leat. Sonraítear iad i Liosta de Mhíreanna Bagáiste Láimhe Toirmiscthe arna chur le chéile ag an Aontas Eorpach. Forchoimeádann baill foirne slándála in Aerfort Chorcaí an ceart i gcónaí chun diúltú do mhíreanna eile a iompar ar bord ar chúiseanna sábháilteachta.

### **Míreanna Géara**

Áirítear leo sin sceana (ar mó a lann ná 6 cm), lanna rásúir, gearrthóirí boscaí, siosúr (ar mó a lann ná 6 cm ón mbuthal), tuanna, scoiltirí, tuanna oighir, bioranna oighir, claimhte, marc-chlaimhte agus trealamh ealaín chomhraic atá géar nó biorach.

### **Gléasanna Stiúdta agus Gléasanna Éagumasaithe**

Áirítear leo sin gunnaí stiúdta, gunnaí taser, scriostóirí ainmhithe, ceimiceáin, gáis nó spraeanna éagumasaithe (e.g. sprae mace), spraeanna piobair, deorghás agus spraeanna éarthaigh ainmhithe.

### **Uirlisí**

Áirítear leo sin gróite, druilirí agus béalmhíreanna druileála, sábhá, séidtóirí, stiúdghunnaí, gunnaí tairní nó uirlis ar bith ar mó a lann nó a crann ná 6 cm (e.g. scriúirí nó siséil).

### **Airm Lámhaigh Diúracán**

Áirítear leo sin airm tine, gunnaí bréagáin, gunnaí macasamhlacha/bréag-ghunnaí, comhpháirteanna d'airm tine (gan treoracha teileascópacha a áireamh), aerghunnaí, gunnaí millíní, gunnaí BB, bladhmghunnaí, piostail tosaithe, boghanna nó crosbhoghanna, saigheada, gunnaí harpúin, sleághunnaí agus crainn tabhaill.

Má tá tú ag iompar airm tine chun críche seilge nó spóirt, déan teagmháil le d'aerlíne chun faisnéis a fháil faoi na rialacha agus rialacháin atá i bhfeidhm aici ina leith.

Ní liosta críochnúil é seo agus féadfaidh an fhoireann slándála in Aerfort Chorcaí a iarraidh go ndéanfaí míreanna áirithe nach bhfuil ar áireamh sa liosta a thabhairt suas ar chúiseanna slándála agus sábháilteachta.